

Tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuuseqartarneq pillugit Inatsisartut Inatsisaat nr. 11, 12. juni 2019-imeersoq

Kapitali 1

Inatsisip atuutsinneqarfia

§ 1. Tarnimikkut napparsimasut napparsimmavimmut unitsinneqarnerannut, napparsimmavimmi unninganerannut aamma katsorsarneqarnerannut atatillugu nammineersinnaajunnaarsitsineq allatigullu pinngitsaaliissummik iliuuseqartarneq taamaallaat Dronning Ingridip Napparsimmavissuata tarnikkut nappaatilinnut immikkoortorta qarfianni pisinnaavoq, taamaattorli tak. imm. 2, 3 aamma 4 kiisalu Inatsisartut inatsisaanni matumani maleruaqqusat naapertorlugit imaluunniit maleruaqqusat tamatuminnga tunngaveqarluni akuersissutigineqarsimasut tunngavigalugit taamaallaat pisinnaapput.

Imm. 2. Pinngitsaaliissummik napparsimmavimmut unitsitsineq, imm. 1 apeqquaatinnagu, peqqinnissaqarfiup suliffeqarfiini allani aallartinneqarsinnaavoq. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup nakorsaq aggersarneqarsimasooq isumasi-oqatigalugu aalajangiivigissavaa, paasissutissat pigineqartut tunngavigalugit aamma nakorsap aggersarneqarsimasup misissuisimanagera tunngavigalugu pinngitsaaliissummik unitsitsinissaq ilumut pisariaqarnerooq. Dronning Ingridip Napparsimavissuani tarnikkut nappaatilinnut immikkoortorta qarfiannut nuussineq nalunaaquttap akunnerisa 48-t ingerlanerini pissaaq, tassa pinngitsaaliissummik unitsitsinerup aallartinneqarnerata kingornatigut, imaangippat nalinginnaasumik angallannermi pissutsit pissutigalugit tamanna pinngitsoortinneqarluni. Pinngitsaaliissummik iliuuseqarnerit kapitali 6-imi taaneqartut pinngitsaaliissummik unitsitsinerup aallartitsinneqarnerani atorneqarsinnaapput.

Imm. 3. Timikkut anniaatigisamik pinngitsaaliissummik nakorsaanissaq pisariaqarpat timikkut napparsimasunut immikkoortorta qarfimmi tamanna ingerlanneqarsinnaavoq, tak. § 15.

Imm. 4. Napparsimasooq tarnikkut nappaatilinnut immikkoortorta qarfiannut unitsinneqarsimasooq, Kalaallit Nunaata avataani tarnimikkut napparsimasunut immikkoortorta qarfimmut matoqqasumut nuutsinneqarsinnaavoq imaappat napparsimasooq avatangiisiminut ima ulorianartigisutut isigineqarluni, napparsimasup Dronning Ingridip Napparsimavissuani tarnikkut nappaatilinnut immikkoortorta qarfianni uninngatinneqarnissaa illersorneqarsinnaangitsutut isigineqarluni. Nuussineq pinngitsaaliissummik unningatitsinermi maleruaqqusat naapertorlugit ingerlanneqassaaq, imaappat napparsimasup nuutsinneqarnissamut ilisimatinneqareerluni akuersissuteqarsimanani.

§ 2. Inatsisartut inatsisaanni matumani pinngitsaaliissummik iliuuseqarneq tassaavoq paasissutissinneqareernikkut isumaqataalluni akuersissuteqartoqanngitsoq, tak. napparsimasut inatsisitigut inissisimanerat pillugu Inatsisartut peqqussutaanni kap. 2.

Imm. 2. Napparsimasunut 15-it inorlugit ukiulinnut imaluunniit paasitinneqareerluni isumaqataalluni

akuersinissamut piginnaaneqanngitsunut tunngatillugu angajoqqaatut akisussaasumit, angajoqqaatut akisussaataasumit imaluunniit qanigisaanit qaninnerpaamit akuersissut pissarsiariniarneqassanngilaq inatsisartut inatsisaat manna naapertorlugu aaqqiissutip ingerlaannartumik naammassinissaa pisariaqas-sappat napparsimasup ima iliornissaa pitsaaliorniarlugu:

1) imminut ajoqusersinnaanera imaluunniit allanik timaasigut imaluunniit peqqissusiisigut ajoqusiisinaanera ilimanarlunnarpat, imaluunniit

2) annikigisassaannngitsumik aserorterinissaa.

Imm. 3. Periuseqarnissamut iliuseqarnerit atorneqartillugit, tak. imm. 2, angajoqqaatut akisussaaf-fimmik pigisaqartoq, angajoqqaatut akisussaataasooq imaluunniit qanigisaasooq qaninnerpaaq tamatuma kingornatigut tamanna pillugu sapinngisamik piaarnerpaamik ilisimatinnegassaaq.

Imm. 4. Napparsimasunut ukiukitsunut 15-inik ukioqalereersimasunut tunngatillugu peqqinnissaqar-fimmi sulisup inummik pineqartumik naliliinermi kingornatigut nalileruniuk pineqartup isummerner-mi kingunerisassai paasisinnaanngikkai, tak. napparsimasut inatsisitigut inissisimanerat pillugu Inatsisar-tut peqqussutaanni § 8 imm. 2, taava imm. 2 aamma imm. 3 taamatut atuutissapput.

Kapitali 2

Aalajangersakkat nalinginnaasut

§ 3. Peqqinnissaqarfiup immikkoortorta qarfiisa arlaannut unitsitsineq, uninnganeq aamma nakor-sarneqarnek sapinngisamik napparsimasup nammineq piumassusia naapertorlugu ingerlanneqassapput.

Imm. 2. Nakorsap, napparsimasooq napparsimavimmut unitsitsinerup, napparsimmavimmiititsinerup aamma nakorsartinnerup siunertaanik kiisalu peqqissutsip pitsaanerulernissaata qanoq inneranik, ilit-sersussavaa.

Imm. 3. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup immikkoortorta qarfimmuut unitsinneqartunut tamanut nakorsartinnissaq pillugu pilersaar-usiamik suliaqartoqarnissaa, kiisalu napparsimasup peqataatinneqarnissaa aamma pilersaarutip i-marissaa pillugu tusaaniarneqarnissaa akisussaassuseqarfigai, aammattaaq napparsimasup taassuma pi-viusunngortinneqarnissaanut akuersissuteqarnissaata pissarsiarinneqarnissaata anguniartuarnissaa.

Imm. 4. Nakorsarneqarnissamut pilersaarut ingerlaavartumik naleqqussarneqartassaaq, aamma qanor-luunniit ilisukkut nakorsartinnerit suut aallartinneqarnerannik aammattaaq anguniakkat suut anguniar-neqarnerisut nakorsartinnerit maannakut ingerlanneqartut aqqutigalugit ersersinneqassallutik.

Imm. 5. Nakorsarneqarnissamut pilersaarutip assilinera napparsimasumut tunniunneqassaaq, imaan-ngippat pineqartup tamanna piumanagu.

§ 4. Nammineersinnaajunnaarsitsineq aallartinneqartinnagu imaluunniit pinngitsaaliissummik allamik atuilersinnani, taava napparsimasooq pinngitsaaliissummik iliuseqarnissaq pilersaarutigineqartoq pillu-gu, taassuma sukumiinerusumik suuneranik, tunngavigineqartumik aamma siunertaanik ilisimatinnegas-saaq, taamaattorli tak. imm. 2.

Imm. 2. Taamaattorli, pinngitsaaliissummik sukaterussinerup aamma nukiiit atorlugit pissaanermik atuinerup atorneqarnerini, tak. §§ 21-25, immikkut pilertortumik iliuseqartoqartariaqartillugu ilisima-titseqqaarnissaq pinngitsoorneqarsinnaavoq. Iliuseqarnerup aallartinneqarneranut tunngavilersuutigi-neqartoq tamatuma kingornatigut napparsimasumut ilisimatitsissutigineqassaaq.

§ 5. Napparsimasup nammineq kajumissutsiminik peqataanissaa anguniarlugu sapinngisamik iliuseqartoqareertinnagu pinngitsaaliissummik iliuseqarneq atorneqassanngilaq. Pissutsit tunngavigalugit tamanna ajornangippat napparsimasooq piffissamik naleqquttumik sivisussuseqartumik eqqarsarfissaqartinneqassaaq.

Imm. 2. Pinngitsaaliissummik atuineq taamak iliuseqarnekkut anguniarneqartumut naammaginatumik naleqqutissaaq. Qanoq iliuseqarnerit annikinnerusumik sunniuteqartut naammappata taava taakku atorneqassapput.

Imm. 3. Pinngitsaaliissummik iliuseqarneq sapinngisamik qajassuartumik ingerlanneqassaaq aamma sapinngisamik annertunerpaamik napparsimasumik qajassuussilluni, taamaaliornikkut kanngunarsaasinnaanerit imaluunniit pisariaqanngitsumik ajoqusiisinaanerit pinngitsoorniarlugit.

§ 6. Aalajangersakkat ukunaniittut § 1, imm. 2, § 10, imm. 2, § 11, , § 12, imm. 1, § 13, imm. 1 § 14, imm. 2, § 15, imm. 2, § 22, imm. 2 aamma 3, § 30, § 32, imm. 1 aamma 3 aammattaaq § 34, imm. 2-miittut akornutaassanngillat nakorsaanerup peqannginnerani tarnimikkut napparsimasunut immikkoortotaqarfimmi nakorsap allap aalajangiinissaanut. Taamatut pisoqartillugu nakorsaanerup piaarnerpaamik kingusinnerpaamilu nalunaaquttap akunneri 24-t qaangiuppata aalajangiineq isummerfigissavaa.

Imm. 2. Nakorsaanerup qanoq isummersimanera pinngitsaaliissummik iliuseqarnerit pillugit allattaavimmut allanneqassaaq.

Kapitali 3

Nammineersinnaajunnaarsitsineq

Ataatsimut isigalugu

§ 7. Pinngitsaaliissummik napparsimavimmut unitsitsineq, tak. § 8-10, imaluunniit pinngitsaaliissummik uninngatitsitsineq, tak. § 11 taamaallaat pisinnaapput napparsimasooq pineqartoq silanngajaarpat imaluunniit tamatumunnga sanilliunneqarsinnaasumik pissuseqarpat, kiisalu pineqartup nakorsarneqarinnissaa siunertaralugu nammineersinnaajunnaarsinneqannginnissaa illersorneqarsinnaanngippat, makku pissutigalugit:

- 1) qanoq issusiata ajorunnaarsinneqarnissaata ilimanassusia imaluunniit malunnaateqartumik aamma pingaaruteqartumik taamak iliortoqanngippat peqqissiarturnera malunnartumik ajornerulissammat, imaluunniit
- 2) pineqartup imminut navianartorsiortissinnaanera imaluunniit allanik navianartorsiortitsisinnaanera qanittutut aamma malunnartutut kinguneqarsinnaasutut isigineqarpat.

Napparsimmavimmut pinngitsaaliissummik unitsitsineq

§ 8. Inuk silanngajaartutut isigineqarsinnaasooq nammineq nakorsarneqarnissaminik pisariaqartumik u-jartuinngippat, qanigisaasut nakorsamik aggersaanissaq siunertaralugu peqqinnissaqarfimmut attaviginnissallutik pisussaapput.

Imm. 2. Qanigisaasut peqqinnissaqarfik attavigingippassuk, tak. imm. 1, politiit taamaaliornissaq pisussaaffigivaat.

Imm. 3. Nakorsap aggersarneqartup misissuineq paasissutissallu pissarsiarineqartut tunngavigalugit tarnimikkut napparsimasunut immikkoortortaqarfimmut unitsitsinissaq pisariaqarnerseq nalilissavaa. Napparsimasup paasissutissineqareernikkut isumaqataalluni taamatut unitsinneqarnissani akueringippagu nakorsap napparsimavimmut pinngitsaaliissummik unitsitsineq pisariaqarnerseq aalajangissavaa.

Imm. 4. Napparsimavimmut pinngitsaaliissummik unitsitsineq pissaaq § 7-imi piumasagaataasut eqqortinneqarpata. Nakorsaq tamanna pillugu uppernarsaammik allagaqassaaq, tak. 9, imm. 2.

§ 9. Napparsimavimmut pinngitsaaliissummik unitsitsinissap aallartinneqarnissaa pillugu politiit aalajangersaassapput taamaaliortoqarneranilu ikiuullutik.

Imm. 2. Napparsimavimmut pinngitsaaliissummik unitsitsineq taamaallaat naammassineqarsinnaavoq nakorsamit uppernarsaat tunngavigalugu, napparsimavimmut unitsitsinissaq taannarpiaq naammassiniarlugu nakorsap nammineq misissuisimanera tunngavigineqassaaq. Dronning Ingridip Napparsimavissuani tarnikkut nappaatilinnut immikkoortortaqarfianni, napparsimavimmut pinngitsaaliissummik unitsitsiviusussami, nakorsamit sulisumit uppernarsaat allanneqarsimassanngilaq. Taamatuttaaq uppernarsaat nakorsamit attuumassuteqarpallaarneq pissutigalugu suliami peqataasinnaanngitsumit allanneqarsimassanngilaq. Tamatuma saniatigut uppernarsaat nakorsamit attuumassuteqarpallaarneq pissutigalugu suliami peqataasinnaanngitsumit allanneqarsimasuussanngilaq. Pisortat ingerlatsineranni suliasat suliarineqartarnerat pillugu inatsimmi § 3-mi taaneqartutut suliami peqataasinnaannginneq atuuppoq.

Imm. 3. Napparsimavimmut pinngitsaaliissummik § 7, imm. 2, naapertorlugu unitsitsinermi nakorsap misissuina ulloq unnuallu kingulliup ingerlanerani pisimassaaq, kiisalu napparsimavimmut pinngitsaaliissummik § 7, nr. 1, naapertorlugu unitsitsinermi, unitsitsineq sioqqullugu ullut kingulliit arfineq marluk ingerlanerani pisimassalluni.

§ 10. Napparsimavimmut pinngitsaaliissummik § 7, nr. 2 naapertorlugu unitsitsinermi napparsimasoq peqqinnissaqarfimmit ingerlaannartumik isumagineqalissaaq. Napparsimavimmut pinngitsaaliissummik § 7, nr. 1 naapertorlugu unitsitsinermi napparsimasoq sapinngisamik piaarnerpaamik peqqinnissaqarfimmit isumagineqalissaaq, tassa kingusinnerpaamik piffissarititaasut ullut arfineq marluk, § 9, imm. 3-mi taaneqartut, qaangiutinnginnerini.

Imm. 2. Dronning Ingridip Napparsimavissuata tarnikkut nappaatilinnut immikkoortortaqarfianni nakorsaanerup napparsimavimmut pinngitsaaliissummik unitsitsinermit piumasagaatit eqqortinneqarnerseq aalajangiiffigissavaa.

Imm. 3. Naalackersuisut napparsimavimmut pinngitsaaliissummik unitsitsisarnerit naammassiniarlugit periaatsit qanoq ingerlanneqartarnissaannut maleruaqqusanik sukumiinerusunik aalajangersaassapput. Maleruaqqusat politiit peqataasarnerannut tunngasut pillugit Danmarkimi Justitsiministeriap akuersissuteqarneratigut aalajangersarneqassapput.

§ 11. Inummik, Dronning Ingridip Napparsimavissuani tarnikkut nappaatilinnut immikkoortoortoqarfianni uninngatinneqartumik pinngitsaaliissummik uninngatitsinissaq pisinnaavoq, nakorsaanerup § 7-imi piumasagaataasut eqqortinneqarsimasutut nalililerpagit.

Imm. 2. Napparsimasumit Dronning Ingridip Napparsimmavissuata tarnikkut nappaatilinnut immikkoortortaqarfianni uninngasumit angerlartinneqarnissamik noqqaassut saqqummiunneqarpat nakorsaanerup sapinngisamik piaarnerpaamik noqqaassutillu saqqummiunneranit naatsorsorlugu kingusinnerpaamik nalunaaquttap akunneri 24-t qaangiutsinnagit napparsimasoq angerlartinneqarsinnaanersoq imaluunniit pinngitsaaliissummik uninngatinneqassanersoq nalunaarfigissavaa. Pinngitsaaliissummik unitsitsisoqarneranit imaluunniit § 1, imm. 2 naapertorlugu unitsitsinerup aallartinneranit naatsorsorlugu ullup unnuallu ataatsip ingerlanerani Dronning Ingridip Napparsimmavissuata tarnikkut nappaatilinnut immikkoortortaqarfiannit angerlartinneqarnissamik noqqaassut saqqummiunneqarpat nakorsaanerup aalajangiinera pinngitsaaliissummik unitsitsinermit naatsorsorlugu nalunaaquttap akunnerisa 48-t ingerlanerini napparsimasumut tamanna nalunaarutigineqassaaq. Noqqaassut napparsimasumut siunnersortimit saqqummiunneqarsimappat, tak. kapitali 8 aamma 9, taava aamma taanna nalunaarfigineqassaaq.

Oqqussineq

§ 12. Pinngitsaaliissummik napparsimavimmut unitsinneqarsimasup imaluunniit pinngitsaaliissummik uninngatinneqarallartup Dronning Ingridip Napparsimmavissuata tarnikkut nappaatilinnut immikkoortortaqarfia imaluunniit § 1, imm. 2 naapertorlugu pinngitsaaliissummik unitsitsinermit peqqinnissaqarfiup immikkoortortaqarfia alla qimassimappagu pineqartorlu nammineq kajumissutsiminik utersimangippat Dronning Ingridip Napparsimmavissuata tarnikkut nappaatilinnut immikkoortortaqarfianni nakorsaaneq pineqartup immikkoortortaqarfimmut politiit ikiortigalugit oqqunneqarnissanik aalajangiisnaavoq. Taamatut oqqussineq taamaallaat pisinnaavoq takkutinnitsoornerup paasineqarneranit sapaatit akunnerata ataatsip qaangiunnera tikillugu. Pineqartoq aninermit kingornatigut takkutinnitsoorsimappat taamatuttaaq oqqussinissamut piumasagaataavoq ullut unnuallu pingasut sinnerlugit anisimasinnaanermik akuersissuteqartoqarsimanginnera.

Imm. 2. Naalakkersuisut oqqussinermit atatillugu qanoq periaaseqartoqarnissanik sukumiinerusunik maleruaqqusanik aalajangersaasinnaapput, tassa politiit peqataatinneqarnerannut atatillugu Danmarkimi Justitsiministeriaqarfiup akuersissuteqarnerata kingornatigut.

Nammineersinnaajunnaarsitaanerup atorunnaarsinneqarnera

§ 13. Nakorsaanerup § 7-imi piumasagaataasut atuukkunnaarsimasut paasiguniuk taava nammineersinnaajunnaarsitsineq ingerlaannartumik unitsinneqassaaq.

Imm. 2. Nammineersinnaajunnaarsitsineq atuukkunnaarpat taava tamanna pillugu napparsimasoq napparsimasumullu siunnersorti ingerlaannaq nalunaarfigineqassapput.

Kapitali 4

Pinngitsaaliissummik nakorsaasoqartarnera

§ 14. Pinngitsaaliissummik nakorsaasoqarnera taamaallaat inunnut napparsimavimmi pinngitsaaliis-

summik uninngatitsineqarnissamut piumasaqaatinik naammassinnissimasunut, tak. § 11, atorneqarsinnaavoq.

Imm. 2. Pinngitsaaliissummik nakorsaasoqassanersoq Dronning Ingridip Napparsimmavissuata tarnikkut nappaatilinnut immikkoortorta qarfianni nakorsaanerup aalajangiiffigissavaa. Tamatumunnga ilutigitillugu nakorsartinnerup naammassineqarnissaanut pisariaqartitsineq naapertorlugu qanoq annerutigisumik nukiit atorlugit pissaanermik atuisoqassanersoq nakorsaanerup aalajangersaavigisinnaavaa.

Imm. 3. Pinngitsaaliissummik nakorsarneqarnerit taamaallaat Dronning Ingridip Napparsimmavissuani tarnikkut nappaatilinnut immikkoortorta qarfianni aallartinneqarsinnaapput aamma ingerlanneqarsinnaapput, tak. § 1, imm. 1.

Imm. 4. Pinngitsaaliissummik nakorsaatitortitsinermi nakorsaatit misilittarneqareersimasut nalinginnaasumik annertussilerlugit aamma sapinngisamik ikinnerpaanik peruluutaasunik saniatigut sunniuteqartartut atorneqassapput.

Imm. 5. Pinngitsaaliissummik innaallagiasq atorlugu sianiutinik sunniineq taamaallaat aallartinneqassaaq, napparsimasup piumasaqaatit imm. 1-imiittut naammassisimappagit, kiisalu piffissami tassanerpiaq inuunera navianartorsiorluni imaluunniit navianartorsiorsinnaalluni inisisimappat.

Imm. 6. Pinngitsaaliissummik nakorsaasoqarnissaanik nakorsaanerup imm. 2 naapertorlugu aalajangiinissaa sioqqullugu napparsimasooq eqqarsarfissaqartinneqassaaq, tassani eqqarsaatigissallugu napparsimasup nammineq nakorsarneqarnissamut akuersissuteqarnissani kissaatiginerlugu. Piffissaaq eqqarsarfissaqartitsiviusooq naammaginartumik sivilissuseqassaaq, taamaattorli sivilisunerpaamik ulluni pingasuni.

Imm. 7. Aalajangersagaq manna naapertorlugu pinngitsaaliissummik nakorsaasoqarnissaa pillugu Naalakkersuisut sukumiinerusunik maleruaqqusaliussapput.

§ 15. Inuk nammineersinnaajunnaarsinneqarnissamut piumasaqaatinik naammassinnittoq, tak. § 7, ilisimatinneqareersimanerlu tunngavigalugu timimigut anniaatigisami nakorsarneqarnissaanut akuersissuteqanngitsoq, anniaatigisaa taanna pinngitsaaliissummik nakorsarneqartussanngortinneqarsinnaavoq imaappat anniaatigisaata napparsimasup inuunera imaluunniit peqqissusia malunnaateqarluartumik navianartorsiortillugu. Napparsimasooq Dronning Ingridip Napparsimmavissuani tarnikkut nappaatilinnut immikkoortorta qarfianni uninngasuutigineqariinngippat, aammattaaq pinngitsaaliissummik nakorsarneqarnissaanut aalajangersagaq taanna naapertorlugu piumasaqaataavoq, tamanna sioqqullugu pinngitsaaliissummik napparsimmavimmut unitsinneqarnissaa pillugu uppersaammik suliaqartoqarsimanera, tak. § 9, imm. 2, kiisalu Dronning Ingridip Napparsimmavissuani tarnikkut nappaatilinnut immikkoortorta qarfianni nakorsaanerup pinngitsaaliissummik napparsimmavimmut unitsitsisoqarnissaanut piumasaqaatit naammassineqarsimanerat pillugu aalajangersaasimassasoq, tak. § 10, imm. 2.

Imm. 2. Pinngitsaaliissummik nakorsartinneqarnissamut, imm. 1-imi taaneqartoq pillugu aalajangiineq, timikkut nappaatinut immikkoortorta qarfianni pineqartumi nakorsaanermit, Dronning Ingridip Napparsimmavissuani tarnikkut nappaatilinnut immikkoortorta qarfianni nakorsaneq isumasioqatigereerlugu, aalajangerneqassaaq. Pisariaqarpat nakorsarneqarneq timikkut nappaatinut immikkoortorta qarfianni ingerlanneqarsinnaavoq.

Imm. 3. Aalajangersagaq manna naapertorlugu pinngitsaaliissummik nakorsaasoqarnissaa pillugu Naalakkersuisut sukumiinerusunik maleruaqqusaliussapput.

Kapitali 5

Napparsimavimmit angerlartitsinerup kingornatigut malinnaaffiginninneq

§ 16. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup napparsimavimmit angerlartinneqarnerup kingornatigut napparsimasup aamma tarnimikkut napparsimasunut immikkoortorta qarfiup aammattaaq oqartussaasut attuumassutillit, peqqinnissamik suliallit il.il., napparsimasup nakorsarneqarnissaminut aamma isumaginninnikkut neqeroorutitut tunngasut pillugit akornanni isumaqatigiissusiortoqarnissaa akisussaaffigaa, tassa napparsimasut napparsimavimmit angerlartinneqarnermik kingornatigut napparsimasup peqqissusianut pisariaqartunik nakorsarneqarnissaminut imaluunniit isumaginninnikkut neqeroorutitut namminneq ujartuisinnaanngitsutut ilimagineqarsinnaasunut tunngatillugu.

Imm. 2. Napparsimavimmit angerlartitsinerup isumaqatigiissutitut Nunatsinni Nakorsaaneqarfimmut nalunaarsuisarneq aamma nalunaaruteqartarneq pillugit maleruaqqusanik Naalakkersuisut aalajangersaassapput. Tassunga atatillugu nalunaaruteqartarnerni napparsimasup kinaassusianik paasissutissat ilanngunneqartarnissat pillugit Naalakkersuisut maleruaqqusanik aalajangersaasinnaapput.

§ 17. Napparsimasoq § 16-imi ilaatinneqartoq napparsimavimmit angerlartinneqarnermi isumaqatigiissummik isumaqatigiissuteqarusunnigippat, taava nakorsaanerup tarnimikkut napparsimasunut immikkoortorta qarfiup oqartussaasut attuumassutillit, peqqinnissamik suliallit il.il. suleqatigalugit napparsimasup nakorsarneqarnissaanut aamma isumaginninnikkut neqeroorutitut pillugit ataqatigiissakkamik pilersarusiunneqarnissaa akisussaaffigaa.

Imm. 2. Pilersaarutitut ataqatigiissakkamik Nunatsinni Nakorsaaneqarfimmut nalunaarsuisarneq aamma nalunaaruteqartarneq pillugit maleruaqqusanik Naalakkersuisut aalajangersaassapput. Tassunga atatillugu nalunaaruteqartarnerni napparsimasup kinaassusianik paasissutissat ilanngunneqartarnissat pillugit Naalakkersuisut maleruaqqusanik aalajangersaasinnaapput.

§ 18. Tarnimikkut napparsimasunut immikkoortorta qarfiup napparsimasup inuunermini atugarisanut tunngasut paasissutissat oqartussaasunut allanut, peqqinnissamik sullissisunut il.il. ingerlateqqissinnaavai, ingerlatsitseqqinneq tamanna napparsimavimmit angerlartinneqarnermi isumaqatigiissummik isumaqatigiissuteqarnissamut imaluunniit ataqatigiissakkamik pilersaarutitut nakkutigineqarneranut aamma eqqortinneqarneranut pisariaqartutut isigineqarpat.

Imm. 2. Taamatuttaaq annertutigisumik soorlu imm. 1-imitut oqartussaasut, peqqissutsikkut sullissisut assigisaallu napparsimasup inuunermini atugai pillugit paasissutissat tarnimikkut napparsimasunut immikkoortorta qarfiup oqartussaasunullu allanut kiisalu peqqissutsikkut sullissisunut il.il. ingerlateqqissinnaavaat.

§ 19. Dronning Ingridip Napparsimavissuata tarnikkut nappaatilinnut immikkoortorta qarfianni nakorsaaneq aalajangersinnaavoq napparsimasup angerlartinneqannginnerani angerlartitsinerup kingornatigut pinngitsaaliissummik malinnaaffiginnittoqassasoq unitsitsineq tunngavigalugu napparsimasup angerlartinneqarnermi kingornatigut nakorsarneqarneq napparsimasup peqqissutsiminut pisariaqartoq maleruarunnaassagaa tunngavissaqartumik ernumagineqarpat aamma aarlerigineqarpat, kiisalu

1) napparsimasoq unitsinneqarnini sioqqullugu ukiut pingasut kingulliit napparsimavimmut pinngit-

saaliissummik unitsinneqarsimappat imaluunniit pinngitsaaliissummik uninngatinneqarsimappat,
2) napparsimasoq napparsimavimmut unitsinneqarnini taannarpiaq sioqqullugu ukiut pingasut kingul-
liit ikinnerpaamik ataasiarluni nakorsarneqarnermik, napparsimavimmit angerlartitsinermi isumaqati-
giissummi imaluunniit ataqatigiissakkamik pilersaarummi allassimasumik, maleruaasimanngippat, aam-
ma

3) napparsimasoq unitsinneqarnerminut atatillugu napparsimavimmut pinngitsaaliissummik unitsinne-
qarsimappat pinngitsaaliissummilluunniit tigummigallarneqarsimappat.

Imm. 2. Nakorsaanerup angerlartitsinerup kingornatigut pinngitsaaliissummik ma-
linnaaffiginninnissamik aalajangiussaa napparsimasup peqqinnissaqarfiup immikkoortortaasa ilaannut
ataatsimut nakorsaatitortarnissaanik taamaallaat imaqarsinnaavoq.

Imm. 3. Napparsimasoq nakorsaatitortarluni aggingippat, tak. imm. 2 nakorsaaneq aalajangersin-
naavoq napparsimasoq politiit aaneqassasoq peqqinnissaqarfiullu immikkoortortaasa ilaanni ataatsi-
mi pinngitsaaliissummik nakorsaatitortinneqassasoq. Aallernermi sapinngisamik peqqinnissamik sulia-
lik najuutissaaq.

Imm. 4. Angerlartitsinerup kingornatigut pinngitsaaliissummik malinnaaffiginninnermut atatillugu
nakorsaatit, taakkua napparsimasumut qanoq sunniuteqartarneri nakorsaanermit ilisimaneqassallutit,
tassunga ilanngullugit nakorsaatit sivilisuumik sunniuteqartartut atorineqassapput.

Imm. 5. Angerlartitsinerup kingornatigut pinngitsaaliissummik malinnaaffiginninnissaq napparsima-
sumik angerlartitsinerup kingornatigut qaammatit pingasut tungaannut atuussinnaavoq, taamaattorli
tak. imm. 6.

Imm. 6. Piffissarititaasut qaammatit pingasut qaangiunnerini, tak. imm. 5, napparsimasup
nakorsarneqarnerminik peqqissutsiminut pisariaqartumik maleruaajunnaarnissaa tunngavissaqartumik
naatsorsuutigineqarsinnaappat aarleqqutigineqarlunilu nakorsaaneq aalajangersinnaavoq angerlartitsine-
rup kingornatigut pinngitsaaliissummik malinnaaffiginninneq qaammatinik pingasukkaartunik sivilisori-
neqassasoq, taamaattorli napparsimasoq angerlartinneqarnermi kingornatigut sivilisunerpaamik qaamma-
tit aqqaneq marluk tungaannut pinngitsaaliissummik malinnaaffigineqarsinnaavoq.

§ 20. Angerlartitsinerup kingornatigut pinngitsaaliissummik malinnaaffiginninnermut, tassunga ilan-
ngullugu Danmarkimi Justitsiministeriaqarfiup akuersineratigut napparsimasumik, nammeneq kajumis-
sutsiminik nakorsaatitortunngitsumik aallernermi politiit peqataanissaannut kiisalu peqqinnissamik
sullissisup tamatumunnga ilaaneranut maleruaqqusanik Naalakkersuisunit aalajangersaassapput.

Kapitali 6

Sukaterussineq il.il.

Pinngitsaaliissummik sukaterussineq

§ 21. Pinngitsaaliissummik sukaterussinermi qiterut, paffinnut aamma singernut ungerutit kiisalu
aaqqatit taamaallaat atorineqarsinnaapput.

Imm. 2. Pinngitsaaliissummik sukaterussineq taamaallaat atorineqarsinnaavoq napparsimasup ima ili-
ornissaa pitsaaliorneqartariaqarpa:

1) imminut ajoqusersinnaanera imaluunniit allanik timaasigut imaluunniit peqqissusiisigut

ajokuusiinnaanera ilimanarluinnarpat,

2) napparsimasoqatiminik malersuinissaa imaluunniit assigisaanik peqqarniitsumik ajortumik pinissaa, imaluunniit

3) annikigisassaannigsumik aserorterinissaa.

§ 22. Nakorsap napparsimasumik misissuinermi kingornatigut pinngitsaaliisummik sukaterussiner-
mik aalajangiisoqassanersoq aalajangissavaa, taamaattorli tak. imm. 2.

Imm. 2. Taamaattorli qiterutip saniatigut paffinnut aamma singernnut ungerutit kiisalu aqqatit a-
torneqassanersut Dronning Ingridip Napparsimmavissuata tarnikkut nappaatilinnut Immikkoortorta-
qarfianni nakorsaanerup aalajangissavaa.

Imm. 3. Peqqinnissaqarfiup immikkoortortaasa ilaanni pinngitsaaliisummik sukaterussinerni nalu-
naaqquttap akunnerinik aqqaneq marlunnik sivilissuseqartussatut imaluunniit sivilissunerinnaasutut
naatsorsuutigineqarsinnaasunut tunngatillugu sukaterussinerup atuutiinnarneqarnissaa Dronning Ingridip
Napparsimmavissuata tarnikkut nappaatilinnut Immikkoortortaqarfianni nakorsaanermit aalaja-
ngerneqassaaq.

Imm. 4. Pisuni soorlu § 21, imm. 2, nr. 1-imi taaneqartuni napparsimasup nammineq imaluunniit allat
isumannaatsuunissaat eqqarsaatigalugit nakorsap misissuinnissaata utaqqinissaa illersorneqarsinnaan-
ngippat, peqqissutsimik sullissisut namminneq aalajangersinnaavaat pineqartup qiterummik sukaterun-
neqarnissaa. Taamaattoqartillugu nakorsaq ingerlaannartumik aggersarneqassaaq kiisalu qiterut atorlugu
sukaterussineq pillugu aalajangersaalluni.

§ 23. Napparsimasoq pinngitsaaliisummik qiterummik aalajangerlugu sukaterunneqartoq aalajanger-
simasumik paarsisoqassaaq, taanna taamatut suliaqarnissaminut piginnaaneqassaaq.

Nukiit atorlugit pissaanermik atuineq

§ 24. Inuk peqqinnissaqarfiup immikkoortoqarfiisa arlaanni uninngasoq uninngatinneqarsinnaavoq
kiisalu pisariaqarpat pissaaneq atorlugu immikkoortortaqarfimmut uninngatitsivimmut allamut inger-
lanneqarluni, § 21, imm. 2-mi piumasaaqatit eqquutsinneqarpata. Inunnut kapitali 3-mi maleruaqqusat
naapertorlugit nammineersinnaajunnaarsinneqarsimasunut pissaaneq pisariaqartoq atorneqarsinnaavoq,
taakkua immikkoortortaqarfimmi suli uninnganissaat qulakkeerniarlugu.

§ 25. Napparsimasup annertuumik eqqissiviitsutut pissuseqartup pitsanngoriaateqarnissaanut pi-
ngaaruteqartumik sunniuteqassappat, taava nakorsaq aalajangiisinnaavoq pisariaqartillugu napparsima-
sup pissaanermik atuilluni eqqissisaammik nakorsaaitortinneqarnissaanik.

Sernissuiniarluni sukaterussineq

§ 26. Sernissuiniarluni sukaterussineq tassaavoq napparsimasup taama piniannikkaluarluni imminut
annertuumik navianartorsiortinnissaa pinngitsoortinniarlugu atorneqarsinnaasunik sunilluunniit atui-
neq.

Imm. 2. Nakorsaq napparsimasumik misissuereerpat aamma sernissuiniarluni sukaterussinissamut a-

tugassaq pillugu sukumiinerusumik aalajangersaareerpat taamaallaat sernissuiniarluni nikitsaaliuilluni aalajangiisoqarsinnaavoq.

*Inummik immikkut nakkutiginninneq aamma
immikkoortortaqarfimmi matunik parnaarsuineq*

§ 27. Inatsisartut inatsisaanni matumani inummik aalajangersimasumik nakkutiginninneq tassaavoq sulisup ataatsip sulisulluunniit arlallit napparsimasup eqqaanniinnerat.

Imm. 2. Aalajangersimasumik nakkutiginninneq, napparsimasup akueringisaa, taamaallaat atorneqarsinnaavoq napparsimasup ima iliornissaa pitsaaliorniarlugu:

- 1) imminut toqunissaa imaluunniit nammineq peqqissutsiminik allalluunniit peqqissussaannik annertuumik ajoqusiinissaa, imaluunniit
- 2) uninngaqtigisaminik allanilluunniit malersuinissaa allatulluunniit peqqarniitsumik ajoqusiisinnaanera.

Imm. 3. Nakorsap napparsimasoq misissoreerlugu aalajangersimasumik nakkutiginnittoqassanersoq aalajangissavaa.

§ 28. Napparsimasoq immikkoortortaqarfimmut unitsinneqarnerminut atatillugu immikkoortortaqarfiup peqqusersorneqarnera pillugu ilisimatinneqassaaq, tamatumunnga ilanngullugit immikkoortortaqarfimmi immikkoortut mikinerusut matui parnaarneqarsinnaassut, tassa immikkoortortaqarfimmi immikkoortunik mikinerusunik peqarpat.

§ 29. Nakorsaq immikkoortortaqarfimmi matut parnaarneqarnissaat pillugu aalajangersinnaavoq, taamaattorli napparsimasut inaannut matut pinnagit, makkununnga tunngasut:

- 1) napparsimasut kapitali 3 naapertorlugu nammineersinnaajunnaarsinneqarsimasut, kiisalu
- 2) napparsimasunut siunertarinngisaminnik imminnut annertuumik ajoqusernissaminnut navianartorsiortittunut, tak. § 24.

Imm. 2. Taamatuttaaq nakorsaq matut parnaarneqarnissaat pillugu aalajangersinnaavoq, taamaattorli napparsimasut inaannut napparsimasumut imm. 1-imut ilaatinneqanngitsumut, napparsimasumit namminnermit tamanna noqqaassutigineqarpat taakku pinnagit. Napparsimasoq noqqaassuteqarpat parnaarsimatitsineq ingerlaannartumik atorunnaarsinneqassaaq.

Imm. 3. Napparsimasut immikkoortortaqarfimmiittut tamarnik ingerlaannartumik ilisimatinneqasapput imm. 1 aamma 2 naapertorlugit parnaarsuiniarluni aalajangertoqarnerata kinguinnguutigut.

Pinnigitsaaliissut atorlugu eqqiluisaartitsineq

§ 30. Dronning Ingridip Napparsimavissuani tarnikkut nappaatilinnut immikkoortortaqarfianni nakorsaanerup aalajangersinnaavaa, napparsimasoq tarnimigut napparsimanini pissutigalugu pisariaqartumik imminut eqqiluisaarnissaminut isumaginnissinnaanngitsumik, pinnigitsaaliissummik atuilluni eqqiluisaarneqarnissaanut, tamanna napparsimasoq nammineq eqqarsaatigalugu imaluunniit napparsimasoqatai imaluunniit sulisut eqqarsaatigalugu pisariaqarpat.

§ 31. Pinngitsaaliissummik sukaterussineq, nukit atorlugit pissaanermik atuineq, sernissuiniarluni pinngitsaaliissummik sukaterussineq, immikkut nakkutiginninneq, immikkoortorta qarfimmi matunik parnaarsuineq kiisalu pinngitsaaliissummik inunnik eqqiluisaartitsineq pillugit Naalackersuisut sukumiinerusumik maleruaqqusalussapput.

Kapitali 7

Allagarsianik/nassiussarsianik, pigisanik timilu satsillugu misissuisarneq aammattaaq pigisanik arsaarinnissuteqartarneq aamma suujunnaarsitsineq

§ 32. Tunngavissalimmik pasitsaassisoqarpat nakorsaatinik, aanngajaarniutinik imaluunniit atortunik navianartunik napparsimasumut eqqunneqarsimasut imaluunniit eqqunniarneqartut, taava Dronning Ingridip Napparsimavissuani tarnikkut nappaatilinnut immikkoortorta qarfianni nakorsaaneq aalajangersinnaavoq:

- 1) napparsimasumut allakkat/nassiussat ammarneqarlutik misissorneqassasut,
- 2) napparsimasup inaa pigisaalu misissorneqassasut imaluunniit
- 3) napparsimasoq timaatigut satsillugu misissorneqassasoq. Timip ammarngisa misissorneqarnissaat inertequtaavoq.

Imm. 2. Napparsimasup allagarsiaanik/nassiussarsiaanik aamma napparsimasup inaanik kiisalu pigisaanik misissuinermi sapinngisamik napparsimasup najuunnerani tamakku ingerlanneqartassapput.

Imm. 3. Nakorsaaneq aalajangersinnaavoq nakorsaait, aanngajaarniutit aamma atortut navianartut imm. 1 naapertorlugu misissuinermi nassaarineqartut paarineqarnissaannik. Atortut il.il. napparsimasumit pigineqartut inatsisinik nalinginnaasunik unioqqutitsisumik, tamatumunnga ilanngullugit aanngajaarniutit pillugit inatsimmik aamma sakkut pillugit inatsimmik, nakorsaanermik politiinut tunniunneqassapput.

Imm. 4. Naalackersuisut allagarsianik/nassiussarsianik, napparsimasut inaannik aamma pigisaannik misissuinermut, timimik satsaanermut aammattaaq arsaarinnissuteqarnermut kiisalu atortunik suujunnaarsitsinermut tunngatillugu sukumiinerusumik maleruaqqusanik aalajangersaassapput.

Kapitali 8

Pinngitsaaliissutinik atorineqartunik allattuisarneq aamma pinngitsuugassaannigitsumik nalilersueq-qinneq

§ 33. Pinngitsaaliissummik atuinerit tamavimmik, tak. §§ 7-12, § 14, naapertorlugit pinngitsaaliissummik malinnaaffiginninnerit § 19, aamma §§ 21-25, nakorsaatissanik innersuussineq sunaluunniit § 26 tunngavigalugu, § 27, tassani pineqarpoq inummik immikkut nakkutiginninneq, atasuinnarmik nal. akunneri 24 sinnerlugit sivirususeqartoq aamma § 29, taakkua immikkoortorta qarfiup pinngitsaaliissummik atuinermut allattaavissuanut ilanngunneqassapput iliuuseqarnerup suunera aamma tunngavilersuut sukumiisumik allallugit. Immikkoortorta qarfiup pinngitsaaliissummik atuinermut allattaavissuanut ilanngunneqartoq taamatuttaaq napparsimasoq pillugu allattaavimmut assilillugu ilanngunneqas-

saaq.

Imm. 2. Naalakkersuisut pinngitsaaliissummik atuinernik allattuinnissat pillugit aammattaaq Nunat-sinni Nakorsaaneqarfimmut pinngitsaaliissutit atorneqartut pillugit nalunaarsuinnermut kiisalu nalunaaruteqartarnermut tunngatillugu sukumiinerusumik maleruaqqusaliussapput. Tamatumunnga atatillugu Naalakkersuisut maleruaqqusanik aalajangersaasinnaapput nalunaaruteqartarnerni napparsimasup ki-naassusia ilanngullugu paasissutissiissutigineqassanersoq.

§ 34. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup pisussaaffiguarpaanakkutigissallugu, nammineersinnaajunnaarsitsinerup aamma pinngitsaaliissummik allamik atuneq Inatsisartut Inatsisaanni matumani maleruaqqusat naapertorlugit atorneqartut pisariaqanngitsumik annertunerusumik atorneqannginnissaat.

Imm. 2. Nammineersinnaajunnaarsitsinerup naliliivigeqqinnissaanut atatillugu nammineersinnaajunnaarsitsinerup aallartinneqarnerata kingornatigut ullut pingasut, qulit, 20-t aamma 30-t qaangiunnerini tamatumalu kingornatigut minnerpaamik sapaatit akunnerisa sisamat qaangiunnerini, nammineersinnaajunnaarsitsinerup suli atuutsinneqarnerani, piumasaqaatinut naapertuuttumik pissutsit suli atuunnersut nakorsaanerup nakkutigisassaraa. Nalileeqqinnerup taassuma inernera pinngitsaaliissuteqarnernik nalunaarsuiffimmut ilanngunneqassaaq.

Imm. 3. Nammineersinnaajunnaarsitsinerup atuutsiinnerneqarneranik aalajangiineq pillugu napparsimasumut siunnersorti aamma napparsimasoq nalunaarfigneqartussaapput.

Imm. 4. Sernissuiniarluni sukaterussinerup suli atuinneqarnissaanut apeqqut, pissutsit taamaattussaatsinerat tunngavigalugu, nakorsamit sapinngisamik akuttunngitsumik nalilersoqqinneqartassaaq, taamaattorli sernissuiniarluni sukaterussinerup aalajangerneqarnerata kingornatigut minnerpaamik ullut pingasut, qulit, 20-t aamma 30-t qaangiunneranni, kiisalu tamatuma kingornatigut minnerpaamik sapaatit akunneri sisamakkaarlugit, taamatut peqqusinerup atuutsinneqarnera tamakkerlugu.

Imm. 5. Pinngitsaaliissummik sukaterussinerup atuutsinneqarnera tamakkerlugu, suli pinngitsaaliissummik sukaterussinerup atuinneqarnissaanut apeqqut, pissutsit taamaattussaatsinerat tunngavigalugu, nakorsamit sapinngisamik akuttunngitsumik nalilersorneqarqittassaaq, taamaattorli minnerpaamik ullup unuallu ingerlanerani ataasiarluni.

Kapitali 9

Napparsimasunik siunnersuisartut

§ 35. Napparsimasumut siunnersortimik toqqaasoqassaaq inummut kimulluunniit, imatut pineqartumut:

- 1) napparsimavimmut pinngitsaaliissummik unitinneqartumut,
- 2) napparsimavimmi pinngitsaaliissummik uninngatinneqartumut.

Imm. 2. Taamatuttaaq napparsimasumut siunnersortimik toqqaasoqassaaq inummut kimulluunniit imatut pineqartumut:

- 1) pinngitsaaliissummik nakorsarneqartumut,
- 2) napparsimavimmit angerlartinneqarnerup kingornatigut pinngitsaaliissummik malinnaaffigineqartumut,
- 3) pinngitsaaliissummik sukaterunneqartumut,
- 4) timi atorlugu pissaanermik atuiffigineqartumut,

- 5) pissaaneq atorlugu nakorsaammik eqqissaatitortinneqartumut,
- 6) sernissuiniarluni sukaterussineqartumut,
- 7) nalunaaquttap akunnerinit 24-nit sivilisunerusumik inummik immikkut nakkutigineqartumut, kiisalu
- 8) immikkoortortaarfimmi matunik paarnaarsinermi, § 29, imm, 1, nr. 2 naapertorlugu.

Imm. 3. Napparsimasumut siunnersuisup suliassarai:

- 1) napparsimasumik ilitersuissaaq aamma siunnersuissalluni napparsimmavimmut unitsinneqarnermut, uninnganermut aamma nakorsarneqarnermut peqqinnissaqarfiup napparsimaviini pissutsinut tamanut tunngatillugu,
- 2) naammagittaalliornissaanut aallartitsinermi aamma naammassinninnermi napparsimasumik ikiuisaaq, aamma
- 3) sapinngisamik Tarnimikkut Nappaatillit Maalaarutaannik Aalajangiisartut naammagittaalliutigineqartoq pillugu oqaluuserinninneranni najuutissalluni.

§ 36. Kalaallit Nunaanni Eqqartuussivimmi eqqartuussisoq qinnuteqartoqarnerup kingorna napparsimasunut siunnersortit akuerissavai. Akuerisanut nalunaarsuut Dronning Ingridip Napparsimmavissuani tarnikkut nappaatilinnut immikkoortortaarfianut nassiunneqassaaq. Napparsimasunut siunnersortinngortitat Nuummi najugaqassapput aamma Dronning Ingridip Napparsimmavissuani tarnikkut nappaatilinnut immikkoortortaarfianni atorfeqartuussanatik.

Imm. 2. Siunnersortinngortitsineq pisumi ataasiakkaami pisassaaq, tassa pinngitsaaliissummik akulinneg aamma siunnersortinngortitsineq pillugit peqqissaasup pigaartuusup napparsimasumut siunnersorti tuaviornerpaamik nalunaarfigissavaa. Napparsimasumut siunnersorti, nalunaarsuummi allattoqarfigisaminni tullerriaarineq malillugu, atorfinitsinneqartassaaq.

Imm. 3. Siunnersortinngortitsiniarneq pillugu oqaaseqarnissaminut napparsimasooq periarfissinneqassaaq. Nalunaarsuummi allassimasumik, napparsimasumut siunnersortimik allamik, napparsimasooq siunnersorteqarusunneq pillugu noqqaassuteqarpat sapinngisamik noqqaassut akuerineqassaaq. Aalajangiineq Kalaallit Nunaanni Eqqartuussivimmi eqqartuussisumut maalaarutigineqarsinnaavoq.

Imm. 4. Napparsimasooq, nalunaarsuutini ilaangitsumik, siunnersorteqarumalluni noqqaassummik saqqummiussaqarpat imm. 2 naapertorlugu inummik tullinnguuttumik siunnersortilerneqarallassaaq. Napparsimasup inuk siunnersuutaa siunnersortinngortinneqarsinnaanersoq Kalaallit Nunaanni Eqqartuussivimmi eqqartuussisup aalajangissavaa. Napparsimasup noqqaassutaa inassutigiuminangitsuunngippat akuerineqassaaq.

§ 37. Siunnersortinngortitsinerup kingornatigut piaarnerpaamik napparsimasumut siunnersortip napparsimasooq pulaassavaa ataavartumillu attavigissallugu. Napparsimasooq Dronning Ingridip Napparsimmavissuaniippat pulaarneq siulleq nalunaaquttap akunneri 24-t qaangiutsinnagit pissaq. Napparsimasooq peqqinnissaqarfiup immikkoortortaasa ilaanni allamiippat siunnersortinngortitsinerup kingornatigut nalunaaquttap akunneri 24-t qaangiutsinnagit oqarasuaatikkut attavigeqatigiinneq pissaq. Tamatuma kingornatigut sapaatit akunneranut ikinnerpaamik ataasiarluni aamma pisariaqartitsineq naapertorlugu pulaarneq pisassaaq.

Imm. 2. Napparsimasumut siunnersorti killilersugaangitsumik akornusersugaangitsumillu inuttut toqqaannartumik, allakkatigut oqarasuaatikkullu napparsimasumik attaveqarnissaminut pisinnaatitaaffeqarpoq.

§ 38. Immikkoortorta qarfimmi imaluunniit peqqinnissa qarfimmi sulisut paasissutissat suulluunniit napparsimasumut siunnersortip suliame isumannaatumik sularinissaanut pisariaqartitai taassumunnga tunniutissavaat.

Imm. 2. Nakorsap nakorsatut suliatigut pissutissa qarluni napparsimasumut paasissutissiissutigingisaa, napparsimasumut siunnersortimut aamma paasissutissiissutigineqassanngilaq.

§ 39. Napparsimasumut siunnersortitut toqqagaasimaneq atorunnaassaaq pinngitsaaliissummik iliuseqarnerup taamaatinneqarneranut ilutigitillugu. Taamaattorli napparsimasumut siunnersortip napparsimasooq naammagittaalliutinut aallartinneqareersimasunut, imaluunniit tamatumunnga ilutigitillugu aallartinneqartunut, atatillugu ikiussavaa.

§ 40. Naalakkersuisut sukumiinerusumik maleruaqqusanik, napparsimasunik siunnersuisartut atorfinitsinneqarnerannut aamma atuuttussanngortinneqarnerannut, taakkua suliassaannut aamma pisinnaati-taanerannut aammattaaq ajunngitsorsiasaannut tunngasunut, aalajangersaassapput.

Kapitali 10

Naammagittaalliuuteqarnissamut ilitsersuineq

§ 41. Pinngitsaaliissummik atuinerni tamani akuliunnerup maalaarutigisinnanera pillugu napparsimasooq ilitsersorneqassaaq. Tamatuma saniatigut napparsimasumut ilisimatitsissutigineqassaaq naammagittaalliuuteqarneq qanoq annertutigisumik kinguartitsinissamut sunniuteqarsinnaaneranik, tak. imm. 2 aamma 3.

Imm. 2. Pinngitsaaliissummik atuinissaq pillugu aalajangiinermut naammagittaalliuuteqarneq aalajangiinermik kinguartitsissutaasinnaanngilaq, taamaattorli tak. imm. 3.

Imm. 3. Taamaattorli pinngitsaaliissummik nakorsarneqarnissamik aalajangiineq, tak. kapitali 4, pillugu naammagittaalliorneq kinguartitsissutaasinnaavoq, imaanngippat ingerlaannartumik nakorsarneqarnissap aallartinneqarnissaa pisariaqarluni napparsimasup inuunera imaluunniit peqqissusia annertuumik navianartorsiortinniarnagu imaluunniit pinngitsoortinniarlugu, napparsimasup allanik timaasigut imaluunniit peqqissusiannik ajoqusiisinnanera qanippat. Pinngitsaaliissummik malinnaaviginninnissaq § 19 naapertorlugu aalajangiineq taamatutaaq kinguartitsissutaasinnaavoq.

§ 42. Sapinngisamik naammagittaalliuuteqarnissamut ilitsersuineq napparsimasup pinngitsaaliissummik iliuseqarfigineqarnissaanut atatillugu saqqummiunneqassaaq.

Imm. 2. Pinngitsaaliissummik nakorsarneqarnissaq pillugu naammagittaalliut, Inatsisartut Inatsisaanni § 41, imm. 3, naapertorlugu kinguartitsissutaasinnaappat, sapinngisamik piaarnerpaamik aamma pinngitsaaliissummik nakorsarneqarnerup aallartinnissaa sioqqullugu naammagittaalliorsinnaanermik ilitsersuisoqassaaq.

§ 43. Pinngitsaaliissummik napparsimavimmut unitsitsinermi, pinngitsaaliissummik uninngatinneqarnermi, pinngitsaaliissummik oqqussinermi, pinngitsaaliissummik nakorsaanermi, napparsimavimmit angerlareernermi pinngitsaaliissummik malittarinninnermi, pinngitsaaliissummik sukaterussinermi,

nukiit atorlugit pissaanermik atuinermi, sernissuilluni sukaterussinermi, inummik immikkut nakkutiginninnermi nalunaaquttap akunnerinik 24-nik ataannartumik sivisunerusumik sivisuuseqartumik, kiisalu immikkoortorta qarfimmi parnaarsuinermi, napparsimasoq Tarnimikkut Nappaatillit Maalaarutaannik Aalajangiisartunut, pinngitsaaliissummik iliuseqarfigineqarneq pillugu naammagittaalliuteqarsinnaanera pillugu ilitserneqassaaq. Taamatuttaaq napparsimasoq ilitserneqassaaq naammagittaalliutip Tarnimikkut Nappaatillit Maalaarutaannik Aalajangiisartunut saqqummiunneqarnissaanik, tamanna napparsimasup imaluunniit napparsimasumik siunnersuisartup tamatuminnga kissaateqarneq saqqummiuppagu, tak. § 47.

Imm. 2. Taamatuttaaq napparsimasoq piumasaqarnera naapertorlugu Tarnimikkut Nappaatillit Maalaarutaannik Aalajangiisartunut naammagittaalliornissamut periutsip pillugit ilitserneqassaaq, tamatumunnga ilanngullugit napparsimasoq aamma napparsimasumik siunnersortip oqaatitsigut imaluunniit nalunaarasuartaatit atorlugit suliassamik aalajangiisartunut saqqummiussinissamik pisinnaatitaaffiat pillugu, aammattaaq aalajangiisartut aalajangiinissaanut kingusinnerpaamik piffissaliussaq pillugu, tak. § 48.

§ 44. Naammagittaalliornissamut oqaatsit atorlugit ilitseruisoqassaaq.

Imm. 2. Naammagittaalliornissamut ilitseruut allaganngorlugu tunniunneqassaaq, taamatut napparsimasoq kissaateqarluni piumasaqaammik saqqummiussippat.

§ 45. Naalackersuisut naammagittaalliornissamut ilitseruineq pillugu aalajangersakkanik sukumiinerusunik aalajangersaasinnaapput.

Kapitali 11

Naammagittaalliornissamut periarfissaq aamma eqqartuussivikkut ingerlatitsisinnaaneq

§ 46. Naalackersuisut naammagittaalliuteqarnermut aalajangiisartunik pilersitsissapput taaguuteqartumik Tarnimikkut Nappaatillit Maalaarutaannik Aalajangiisartut.

Imm. 2. Tarnimikkut Nappaatillit Maalaarutaannik Aalajangiisartunut ilaasortaapput:

- 1) eqqartuussissuserisoq siulittaasutut,
- 2) Nunatsinni Nakorsaaneq, aamma
- 3) napparsimasut peqatigiiffianit sinniisuutitaq, tarnimikkut napparsimasunut sinniisuutitaasussaq.

Imm. 3. Naalackersuisut ilaasortanut sinniisussanik toqqaassapput.

Imm. 4. Toqqaanerit imm, 2 aamma 3-mi ukiuni sisamani atuupput. Toqqaqqittoqarsinnaavoq.

Imm. 5. Tarnimikkut Nappaatillit Maalaarutaannik Aalajangiisartut suliassanik ataasiakkaanik aamma aalajangiinernut suliaqarnerminni suliassanut ataasiakkaanut tunngatillugu ilitserneqarnissanut attuumassuteqartinneqanngillat.

Imm. 6. Nunatsinni Nakorsaaneqarfik Tarnimikkut Nappaatillit Maalaarutaannik Aalajangiisartut allatseqarnikkut suliassaannik isumaginnittuuvoq.

Imm. 7. Peqqissutsimut Ilisimatusarnermullu Naalackersuisoqarfiup Tarnimikkut Nappaatillit Maalaarutaannik Aalajangiisartut aningaasartuutaat, tassunga ilanngullugit aalajangiisartunik ilaasortat ajungitsorsiaat akilertassavai.

§ 47. Napparsimmavinni oqartussaasut napparsimasup imaluunniit napparsimasumik siunnersuisup qinnuteqarnera tunngavigalugu naammagittaalliutit Tarnimikkut Nappaatillit Maalaarutaannik Aalajangiisartunut naammagittaalliutit ingerlateqqissavaat, makkununga tunngasut:

- 1) napparsimavimmut pinngitsaaliissummik unitsinneqarnermut,
- 2) napparsimavimmi pinngitsaaliissummik uninngatinneqarnermut,
- 3) oqqunneqarnermut,
- 4) pinngitsaaliissummik nakorsarneqarnermut,
- 5) napparsimavimmit angerlartinneqarnerup kingornatigut pinngitsaaliissummik malinnaaffigineqartunut, § 19 tunngavigalugu
- 6) pinngitsaaliissummik sukaterunneqarnermut,
- 7) timi atorlugu pissaanermik atuiffigineqarnermut,
- 8) pissaaneq atorlugu nakorsaammik eqqissaatitortinneqarnermut,
- 9) sernissuiniarluni sukaterunneqarnermut,
- 10) immikkut nakkutigineqartumut nalunaaquttap akunnerinit 24-nit sivilunerusumik, kiisalu
- 11) immikkoortorta qarfimmi matunik parnaarsuinermut.

Imm. 2. Naammagittaalliut napparsimasumit imaluunniit napparsimasumut siunnersortaasumit nammineersinnaajunnaarsinneqarnerup imaluunniit pinngitsaaliissummik iliuseqarfigineqarnerup allap, naammagittaalliornermut tunngasup, kingusinnerpaamik qaammatit arfinillit qaangiutinnginneranni saqqummiunneqareersimassaaq.

§ 48. Naammagittaalliut § 47-imi taaneqartoq Tarnimikkut Nappaatillit Maalaarutaannik Aalajangiisartunut saqqummiunneqarpat suliamut tunngasut Peqqissutsimut Pitsaaliuinernullu Aqutsisoqarfimmut nassiuunneqassapput, tamatumunnga ilanngullugit pinngitsaaliissummik iliuseqarnermik allattaavissuarni allanneqarsimanerat allaganngorlugit, aammattaaq Dronning Ingridip Napparsimavissuani tarnikkut nappaatillit immikkoortorta qarfianni nakorsaanerup uppersaanera. Tamatuma saniatigut Aalajangiisartut namminneq isumagissavaat suliap suliarineqarnissaa aamma uppersaatinik il.il. amerlanerusunik tamanna pisariaqarpat pissarsiniarnissartik.

Imm. 2. Napparsimasoq aamma napparsimasumut siunnersorti oqaatsit atorlugit imaluunniit nalunaarsuartaatit aqutugalugit suliamik aalajangiisartunut saqqummiussinissamut pisinnaatitaapput. Immikkut ittunik pisoqartillugu aalajangiisartut aalajangersinnaapput napparsimasup peqqissusianik eqqarsaatiginninneq imaluunniit suliap aalajangiisartuni suliarineqarnera pissutigalugu napparsimasoq tamakkiisumik ilaannakuusumilluunniit suliap suliarineqarneranut peqataatinneqassanngitsoq.

Imm. 3. Tarnimikkut Nappaatillit Maalaarutaannik Aalajangiisartut pinngitsaaliissummik iliuitsit, sulianik naammagittaalliutaasunik kinguartitsissutaasinnaasutut sunniuteqartut pillugit aalajangiisassapput, tak. § 41, imm. 3, naammagittaalliutip tiguneqarnerata kingornatigut ullunnaat arfineq marluk iluanni. Sulianut allanut tunngatillugu Tarnimikkut Nappaatillit Maalaarutaannik Aalajangiisartut sapinngisamik piaartumik aalajangiisassapput. Aalajangiineq naammagittaalliutip tiguneqarnerata kingornatigut ullut 14 iluanni aalajangiisooqanngippat, aalajangiisartut tamatumunnga pissutaasoq pillugu napparsimasoq aamma napparsimasup siunnersortigisaa ilisimatissavaat, aammattaaq ilisimatitsissutigissavaat aalajangiinerup qaqugu pinissaa naatsorsuutigineqarsinnaanersoq.

Imm. 4. Naalackersuisut Tarnimikkut Nappaatillit Maalaarutaannik Aalajangiisartut suleriaasissaanik aalajangersaassapput.

§ 49. Napparsimasup imaluunniit napparsimasumut siunnersortaasup piumasaqarneratigut Tarnimikkut Nappaatillit Maalaarutaannik Aalajangiisartut aalajangikkatik Kalaallit Nunaanni Eqqartuussivimmut ingerlatissavaat Kalaallit Nunaanni pinerluttulerinermi inatsimmi kapitali 28 naapertorlugu.

Imm. 2. Suliassap saqqummiunnissaa pillugu qinnuteqaat Tarnimikkut Nappaatillit Maalaarutaannik Aalajangiisartut aalajangiineranniit sapaatit akunneri sisamat qaangiutsinnagit saqqummiunneqassaaq. Piffissarititami saneqqutsinissamik immikkut ittumik pissutissaqarpat Tarnimikkut Nappaatillit Maalaarutaannik Aalajangiisartut aalajangiineranniit qaammatit arfinillit tikillugit kingusinnerusukkut qinnuteqaatip saqqummiunneqarnissaa Kalaallit Nunaanni Eqqartuussivimmi akuerineqarsinnaavoq.

Imm. 3. Napparsimasup nammineersinnaajunnaarsitaanissaa Tarnimikkut Nappaatillit Maalaarutaannik Aalajangiisartut akuerippassuk napparsimavimmit angerlartitsineqarnissamut apeqqut pillugu Tarnimikkut Nappaatillit Maalaarutaannik Aalajangiisartuni suliassiissutigeqqinnissaa aalajangiisartut aalajangiinerinit qaammatit marluk ingerlareernerisigut aatsaat saqqummiuteqqinneqarsinnaavoq. Nammineersinnaajunnaarsitsinerup inatsisinut naapertuunna pillugu apeqqut eqqartuussivimmut tunniunneqarsimappat, tak. imm. 1, piffissarititaq taaneqartoq eqqartuussiviup aalajangiineranit naatsorsorneqassaaq.

Imm. 4. Tarnimikkut Nappaatillit Maalaarutaannik Aalajangiisartut napparsimavimmit angerlartitsinerup kingornatigut pinngitsaaliissummik malittarinninnermik pilersitsisoqarnissaa akuerippassuk, tak. § 19, napparsimavimmit angerlartitsinerup kingornatigut pinngitsaaliissummik malittarinninnissamut apeqqut aatsaat napparsimavimmit angerlartitsinerup kingornatigut pinngitsaaliissummik malittarinninnissaa § 19, imm. 6 naapertorlugu sivitsorneqarpat aalajangiisartunut suliassiissutigeqqinnissaa noqqaassutigineqarsinnaavoq. Tamatuma kingornatigut napparsimavimmit angerlartitsinerup kingornatigut pinngitsaaliissummik malittarinninnissap sivitsorneqarnissaanut suliassiissutigeneqartut ataasiakkaat saqqummiuteqqinneqarsinnaapput.

Kapitali 12

Atuutsitsilernermit, atorunnaarsitsinermit aamma ikaarsaariarnermit aalajangersakkat

§ 50. Inatsisartut Inatsisaat manna atuutilerpoq ulloq 1. juli 2019 aamma aalajangiinernut kiisalu aalajangersaanernut inatsisartut inatsisaata atuutilernerata kingornatigut aalajangerneqartunut tamanut atuulluni.

Imm. 2. Tamatuma saniatigut Tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarneq pillugu Inatsisartut inatsisissaat nr. 24, 3. december 2012-imeersoq atorunnaarsinneqarpoq.

Imm. 3. Allaffissornikkut malittarisassiat, tarnimikkut nappaatilinnik nammineersinnaajunnaarsitsinermit allatigullu pinngitsaaliissummik iliuuseqartarneq pillugu inatsisartut inatsisaanni toqqammaveqartut kingusinnerusukkut allannguutaat ilanngullugit, atuutsinneqarunnaarnissamik tungaannut atuutissapput.

Namminersorlutik Oqartussat, ulloq 12. juni 2019

Kim Kielsen